



**MEMORIA DE XESTIÓN
ANPA VALLE INCLÁN
1º TRIMESTRE
CURSO 2024 - 2025**

ÍNDICE

- 1. ESTRUCTURA E ORGANIZACIÓN DA ANPA**
- 2. ASEMBLEAS DE FAMILIAS SOCIAS**
- 3. SERVIZO DE MAÑANCEIROS**
- 4. SERVIZO DE COMEDOR ESCOLAR**
- 5. SERVIZO DE CAMBIADORES**
- 6. ACTIVIDADES EXTRAESCOLARES**
- 7. FESTAS**
- 8. OBRADOIROS E FORMACIÓNS PARA O ALUMNADO**
- 9. CURSO DE FORMACIÓN PARA DIRECTIVAS DAS ANPAs**
- 10. MELLORAS NO CENTRO ESCOLAR**
- 11. SUBVENCIONS**



1. ESTRUCTURA E ORGANIZACIÓN DA ANPA

A Asociación de Nais e Pais Valle Inclán está formada por tódalas familias de alumnado escolarizado no CEIP Ramón María del Valle Inclán que desexan asociarse.

As inscricións no presente curso 2024-2025 son as seguintes:

- Familias socias: 182

- Alumnado:

- Total: 236 crianzas, 50.5 % do alumnado total do centro (468)
- Educación infantil: 80 crianzas, 60.6 % do alumnado de EI (132)
- Educación primaria: 156 crianzas, 46.5 % do alumnado de EP (336)

O prezo da cota para asociarse á ANPA é de 35 €/curso por familia, independentemente do número de fillos e/ou fillas matriculadas no centro. Esta cota de familia socia exime do pago da cota de xestión de 50 € para facer uso do servizo de comedor (a aplicación desta medida está no gabinete legal da Xunta de Galicia, ante a existencia dunha queixa particular no noso colexio; detállase no apartado de comedor este asunto).

2. ASEMBLEAS DE SOCIOS DA ANPA

Durante o 1º trimestre realizouse a Asemblea Ordinaria o día 19/12/2024.

3. SERVIZO DE MAÑANCEIROS

A empresa contratada pola ANPA para encargarse de levar a cabo o servizo de Mañanceiros é a empresa especializada Jardanay, que proporciona a coordinación e o monitorado. Ofrécense dúas modalidades no servizo: con almorzo e sen almorzo, para facilitar a conciliación ás familias.

HORARIO	07:30 a 09:00 h.
ALUMNADO INSCRITO	73 crianzas (16% do alumnado do CEIP e 31% dos socios da ANPA) Infantil: 30 crianzas, 8 modalidade con almorzo Primaria: 43 crianzas, 16 modalidade con almorzo
MONITORADO	1 coordinadora e 2 monitoras

O custo para as familias en función da modalidade escollida é o seguinte:

SERVIZO MAÑANCEIROS	PREZO SEN ALMORZO	PREZO CON ALMORZO
5 DÍAS/SEMANA	21,73 €/MES	38,02 €/MES
4 DÍAS/SEMANA	17,38 €/MES	31,50 €/MES
3 DÍAS/SEMANA	13,04 €/MES	23,90 €/MES
2 DÍAS/SEMANA	8,69 €/MES	15,21 €/MES
1 DÍA/SEMANA	4,35 €/MES	8,15 €/MES
ESPORÁDICO	2,72 €/MES	3,25 €/MES
10% desconto no segundo irmán/irmá 12% desconto tres ou máis irmáns/irmá Esporádico non conta con desconto		

- Calendario: dende o primeiro día lectivo ate o último, ambos os dous incluídos.
- Inscripción: cubrindo o formulario destinado a dito servizo que está colgado na páxina web de Jardanay:

https://jardanaycomedores.es/valle-inclan/wp-login.php?redirect_to=https%3A%2F%2Fjardanaycomedores.es%2Fvalle-inclan%2F

As instrucións para facela inscrición están colgadas no apartado “Servizos” da web da ANPA Valle Inclán: <https://anpa-valle-inclan.mozello.com/servizos/mananceirs/>

Para facer uso do servizo de Mañanceiros é obrigatorio ser familia socia da ANPA.

4. SERVIZO DE COMEDOR ESCOLAR

A ANPA xestiona o comedor escolar a través dunha entidade contratada para ese fin, Jardanay, unha empresa especializada que presta un servizo de comida transportada e proporciona o equipo de monitorado.

O servizo de Comedor Escolar realízase nunha única quenda e todo o alumnado come á mesma hora. O horario do servizo de comedor é entre as 14:00 e as 16:00 h. O alumnado é recollido polo monitorado nas aulas ás 14:00 h. onde se pasa lista dos usuarios e usuarias. A saída do alumnado realízase entre as 15:15 e as 16:00 h.

HORARIO	14:00 a 16:00 horas
ALUMNADO INSCRITO	218 crianzas (47% do alumnado do CEIP e 92% dos socios da ANPA) Educación Infantil: 71 crianzas Educación Primaria: 147 crianzas
TRABALLADORES	1 coordinadora, 14 monitores e 2 auxiliares de cociña

O custo para as familias en función dos días solicitados de servizo é o seguinte:

SERVIZO DE COMEDOR	PREZO
5 DÍAS / SEMANA	92,14 € / MES
4 DÍAS / SEMANA	77,12 € / MES
3 DÍAS / SEMANA	65,70 € / MES
2 DÍAS / SEMANA	43,80 € / MES
1 DÍA / SEMANA	21,90 € / MES
ESPORÁDICO	7,22 € / DÍA
10% desconto no segundo irmán 12% desconto tres ou máis irmáns Esporádico non conta con desconto	

- Calendario: dende o primeiro día lectivo ate o último, ambos os dous incluídos.
- Inscripción: cubrindo o formulario que está colgado na páxina web de Jardanay:
https://jardanaycomedores.es/valle-inclan/wp-login.php?redirect_to=https%3A%2F%2Fjardanaycomedores.es%2Fvalle-inclan%2F

Para facer uso do servizo de Comedor escolar as familias deben aboar á ANPA unha cota de xestión de 50 €. As familias socias da ANPA están exentas desta cota.

• **Convivencia**

O equipo directivo do CEIP solicitou este curso a colaboración da ANPA para a actualización dos protocolos do NOF no que respecta ó comedor escolar, polo que se está traballando conxuntamente pola mellora das condicións do servizo e da cativada.

• **Cota de xestión de comedor**

Trala carta do Xefe Territorial enviada o curso pasado ás direccións dos centros quedaba establecido que as ANPAs non poden pedir a obrigatoriedade de ser familia socia ós usuarios do servizo de comedor escolar, dado que é un servizo complementario do centro (igual que o transporte). Tal e como se define na devandita misiva, as ANPAs dispoñen de autonomía para establecer os criterios de funcionamento e potestade de organización dende a transparencia.

Na asemblea extraordinaria de socios do día 17 de xuño de 2024 incluíase na orde do día o punto 5 “Información sobre os cambios na inscrición nos servizos da ANPA”. A opción proposta na asemblea para sufragar os distintos gastos que supón o servizo (seguros, xestoría, subvencións, materiais...) é cobrar unha cota de xestión de 50€ ás familias non socias que queiran ser usuarias do comedor. Esta opción foi revisada dende a Federación de ANPAs e moitas ANPAs da contorna adoptaron medidas similares para poder seguir xestionando o comedor dende as asociacións cumprindo co principio de igualdade e solidariedade que o Xefe Territorial quere garantir ás familias.

A Xunta Directiva da ANPA solicitou ó inicio do presente curso levar ante o Consello Escolar o cobro da cota de xestión de 50€, da que estarán exentas as familias asociadas á ANPA Valle Inclán.

No consello escolar do pasado 04/12/2024 a dirección do centro comunicou que a ANPA non pode cobrar a devandita cota de xestión ás familias non socias por unha orde da Inspección Educativa dado que existe unha queixa particular e que o asunto está no gabinete xurídico da Xunta.

O 26/12/2024 a Xunta Directiva da ANPA remitiu un escrito á Xefatura Territorial da Consellería para coñecer o motivo desa queixa particular que afecta ó noso colexio, en base a que normativa está formulada, ante que organismo e en que data foi presentada. No escrito solicítase ademais que se aclaren as funcións e competencias da ANPA, posto que a asociación actúa como xestora de varios servizos, con numerosas obrigas fiscais, contables, en materia de protección de datos, seguros, contratos, etc. facendo fronte a todas esas responsabilidades sen máis financiamento que as cotas dos socios e certas subvención. Precisamos coñecer e a norma autonómica que se está aplicando no noso colexio dado que se está producindo unha situación de desigualdade con respecto a

outras ANPAs da contorna, nas que xa se aprobaron a mesma medida e se está aplicando sen problema en base ós regulamentos internos ratificados na normativa dos centros.

O feito de non poder aplicar esta medida é un prexuízo para as familias que si están asociadas á ANPA, dado que hai moitas familias non asociadas que gozan de todas as vantaxes da ANPA sen aportar ningún fondo á mesma, o que pon de manifesto unha desigualdade e discriminación con respecto ás familias que si o fan.

Así, no primeiro trimestre un total de 30 nenos e nenas desfrutaron do servizo de comedor escolar sen ser socios da ANPA nen pagar a cota de xestión (a causa de que a consellería ten paralizada esta medida). Deste alumnado, 8 nenos e nenas son ademais beneficiarios da beca de comedor do Concello de Oleiros sen pagar cota de socios nin cota de xestión, grazas ós tramites que se realizan mensualmente dende a ANPA.

Esperamos que os servizos xurídicos da consellería den resposta pronto á nosa solicitude para poder tomar as medidas necesarias e evitar esta desigualdade entre as familias.

5. SERVIZO DE CAMBIADORES

Coma o curso pasado, ofrécese este servizo ás familias con crianzas matriculadas en educación infantil. A familia que desexa contratar o servizo ten a súa disposición a persoal de Jardanay que se despraza ó centro escolar para cambiar á crianza se fose preciso.

O horario de atención inclúe o horario lectivo, o de madrugadores e o de comedor.

O prezo mensual é de 16,50 € e por cada intervención 2 €.

HORARIO	07:30 a 16:00 h.
ALUMNADO INSCRITO	7 crianzas

- Calendario: dende o primeiro día lectivo ate o último, ambos os dous incluídos.
- Inscripción: cubrindo o formulario que está colgado na páxina web de Jardanay:
https://jardanaycomedores.es/valle-inclan/wp-login.php?redirect_to=https%3A%2F%2Fjardanaycomedores.es%2Fvalle-inclan%2F

Para facer uso do servizo de Cambiadores é obrigatorio ser familia socia da ANPA.

6. ACTIVIDADES EXTRAESCOLARES

Como outros anos, a ANPA Valle Inclán quere dar opción ó alumnado do centro escolar de inscribirse en actividades extraescolares durante o curso 2024-2025. Ademais de contribuír e facilitar a conciliación familiar, é unha boa forma de que a cativada poida desfrutar do seu tempo de lecer con actividades divertidas e enriquecedoras.

As actividades extraescolares que se ofrecen actualmente no CEIP Valle Inclán son desenvolvidas pola ANPA Valle Inclán a través de convenios firmados con distintas entidades culturais e deportivas da contorna.

Dende hai dous anos comezouse a traballar con distintas entidades, e para o presente curso contamos coa colaboración de mais entidades, con moita experiencia e punteiras no traballo que desenrolan, o que proporciona moita calidade ás actividades das que pode desfrutar toda a cativada do noso colexio.

O número total de alumnado inscrito no primeiro trimestre foi de 183 (40% do alumnado do CEIP e 76% dos socios da ANPA).

Trala oferta inicial lanzada a principio de curso formáronse grupos nas seguintes actividades:



ESCOLA GALEGA DE TEATRO MUSICAL

Actividade: **TEATRO MUSICAL**



LAURA GUALDA "NOS ARTE"

Actividade: **ARTE E PINTURA**



JUMPING KIDS

Actividade: **PEQUECHEF**

Actividade: **PONTE AL DÍA**

Actividade: **LUDOTECA**



ROBÓTICA EDUCATIVA "ROBOTIX"

Actividade: **ROBÓTICA**



ESCOLA DE MÚSICA "MODUM"

Actividade: **MÚSICA E MOVEMENTO**



ESCOLA DE AJEDREZ MARCO MORALES

Actividade: **XADREZ**



CLUB HÓCKEY "OLEIROS"

Actividade: **HOCKEY INICIACIÓN**

Actividade: **HOCKEY II**



CLUB BALONMANO "ATLÁNTICO"

Actividade: **BALONMÁN**



ESCOLA DE DANZA "SADANZA"

Actividade: **MULTIDEPORTE**

Actividade: **ACRODANCE**

CALENDARIO, HORARIO E INSCRICIÓNS NAS ACTIVIDADES EXTRAESCOLARES


- Calendario: dende o primeiro día lectivo ate o último, ambos os dous incluídos.
- Inscripción: cubrindo os formularios correspondentes de cada entidade, que están colgados na aplicación web Miampa da ANPA Valle Inclán no apartado "Actividades extraescolares":

<https://anpavalleinclan.miampa.com/extracurricular>

· O cuadrante de actividades extraescolares adáptase á demanda das familias usuarias. A súa realización está suxeita a acadar o número mínimo de alumnado inscrito.

As actividades de YOGA, BAILE E MÚSICA TRADICIONAL, BASKET, PATINAXE E XOGOS DE MESA ofertadas a inicio de curso non contaron coas inscricións suficientes para levarse a cabo, polo que o cuadrante durante o presente curso 2024 – 2025 é o seguinte:

ACTIVIDADES EXTRAESCOLARES 2024 – 2025 ANPA VALLE INCLÁN

HORARIO	CICLO	LUNS			MARTES		
16:00- 17:00	INFANTIL	MULTIDORTE	HOCKEY I (INFANTE+ 1º,2º PRIMARIA)		ARTE E PINTURA	MÚSICA E MOVIMENTO	
	PRIMARIA	XADREZ	PONTE AL DÍA	HOCKEY II (1º, 2º EP)		BALONMAN	ACRODANCE
17:00 – 18:00	INFANTIL	HOCKEY II			ARTE E PINTURA		
	PRIMARIA						
HORARIO	CICLO	MÉRCORES			XOVES		
16:00- 17:00	INFANTIL	MULTIDORTE	HOCKEY I (INFANTE+ 1º,2º PRIMARIA)		ARTE E PINTURA	MÚSICA E MOVIMENTO	
	PRIMARIA	XADREZ	PONTE AL DÍA	HOCKEY II (1º, 2º EP)		BALONMAN	ACRODANCE
17:00 – 18:00	INFANTIL	HOCKEY II			ARTE E PINTURA		
	PRIMARIA						
HORARIO	CICLO	VENRES		ENTIDADE	ACTIVIDADE	PREZO / MES	
16:00- 17:30	INFANTIL	PEQUECHEF (1 HORA E MEDIA)			CLUB HOCKEY	HOCKEY I – HOCKEY II	20,00 €
	PRIMARIA	TEATRO MUSICAL (1 HORA E MEDIA)	ROBÓTICA (1 HORA E MEDIA)				
					SADANZA	MULTIDORTE – ACRODANCE	20,00 €
					MODUM	MÚSICA E MOVIMENTO	20,00 €
					JUMPINGKIDS	PONTE AL DÍA	24,00 €
					NÓS ARTE	ARTE E PINTURA	24,00 €
					MIRKO	XADREZ	25,00 €
					ROBÓTICA	ROBÓTICA (1 ½ HORA)	32,00 €
					JUMPINGKIDS	PEQUECHEF (1 ½ HORA)	32,00 €
					ESCOOLA GALEGA TEATRO MUSIC	TEATRO MUSICAL (1 ½ HORA)	25,00 €

7. FESTAS

Como cada ano, a ANPA encargouse de solicitar os permisos e autorizacións precisos para a organización da Festa de Nadal, que este ano contou con obradoiros, animación e xogos para todo o alumnado do centro, ademais das Merendiñas de 6º EP. Como novidade, durante a festa ofreceuse a oportunidade de xogar ó xadrez da man do mestre que imparte a extraescolar cada semana no cole, Marco Morales.



8. OBRADOIROS E FORMACIÓNS PARA O ALUMNADO

Ó igual que se fixo no curso pasado, a Xunta Directiva está aberta a organizar en colaboración co CEIP Valle Inclán obradoiros que sexan de interese para todo o alumnado.

Das varias propostas presentadas este curso pola ANPA ante o CEIP, realizáronse as seguintes actividades:

- **“Explorando nuestra sexualidad”**, a cargo da xinecóloga e sexóloga Carol Strate. Este obradoiro de educación sexual integral realizouse con todos os grupos de 5º e 6º de educación primaria, en horario lectivo acompañados dos seus titores, que quedaron moi contentos coa acollida da mesma por parte do alumnado.



9. CURSO DE FORMACIÓN PARA DIRECTIVAS DAS ANPAs

Na sede da Federación Provincial de ANPAs da Coruña, FEDAPAS, tivo lugar a Formación para Xuntas Directivas das ANPAs sobre Obrigas Contables e Fiscais.

Unha representación da Xunta Directiva da ANPA Valle Inclán asistiu ó curso, de gran interese. Unha vez máis a Federación nos brindou esta oportunidade para seguir mellorando no noso traballo na asociación, algo que redunda en melloras para a nosa cativada.



10. MELLORAS NO CENTRO ESCOLAR

· Incidencias detectadas e solicitude de melloras

A ANPA revisa periodicamente as instalacións, para asegurarse de que están en óptimas condicións e así solicitar as melloras e arranxos precisos. No primeiro trimestre do curso solicítouse:

- Peche perimetral

- Poda das ramas na Rúa Anduriñas para facilitar o paso pola beirarrúa.
- Arranxo das vigas de cemento do peche perimetral do colexio na zona lateral da Rúa das Anduriñas.



- Comedor:

- Pintado das paredes do comedor
- Busca de solucións para suprimir os ecos, absorber o ruído e reducir a resonancia do espazo, para mellorar o benestar das crianzas e do persoal que traballa nel.
- Substitución dun cubo de recollida de lixo do exterior (resolto no 2º trimestre)
- Revisión do cristal da porta de emerxencia exterior
- Evitar a entrada de auga por debaixo das portas de emerxencia cando chove
- Limpeza dos cristais das fiestras
- Arranxo de mosquiteras das fiestras
- Arranxo da subxección da porta que da ó corredor
- Arranxo dos protectores de plástico das portas que dan ó corredor

- Almacén baixo escaleira:

- Arranxo da tapa e pintado do baúl de madeira para almacenaxe de material situado na entrada do almacén

- Espazo ó final do corredor do piso inferior do edificio de infantil:

- Colocación dunha cortina nas portas de cristal que delimitan a estancia, o que permitiría facer unha división “visual” da zona e poder empregala en actividades
- Saídas exteriores das aulas:
 - Colocación de rampas nas saídas exteriores das aulas de infantil e primaria, para adaptarse ó Plan de Autoprotección do CEIP

· **Renovación do mobiliario de comedor**

Na asemblea extraordinaria do 17/06/2024 aprobouse por maioría destinar integramente a axuda de Comedor da Xunta de Galicia do curso 2022-2023 (cun importe de 24.405,58€) á adquisición de novo mobiliario para o comedor escolar.

Dado que o importe non acada para a totalidade da inversión, na asemblea ordinaria do 19/12/2024 aprobouse por maioría destinar íntegramente a axuda de Comedor da Xunta de Galicia do curso 2023-2024 para o mesmo fin.



Imaxes do comedor antes do cambio de mobiliario por parte da ANPA

Durante as vacacións de Nadal realizouse o cambio completo das mesas e bancos, tarefa na que colaborou persoal do Concello de Oleiros e da empresa Jardanay.

O custe de 24.890,20 € do comedor de infantil xa foi aboado. Está pendente recibir a nova subvención e realizar o pago do comedor de primaria.

Tamén estase estudando a forma de facer outras melloras nas instalacións, para optimizar espazos e buscar solucións para dar maior autonomía á cativada durante o momento da comida, como parte da súa aprendizaxe.



Imaxes do comedor na actualidade

Outros espazos que o CEIP pon a disposición da ANPA, coma o local social e a sala de arte, tamén foron mellorados para enriquecer e facer máis agradable a experiencia da cativada durante o tempo que están facendo uso dos servizos da ANPA.




Sala de arte



Lecturas para a cativada de Mañanceiros e Comedor



Local social da ANPA: zona de xogo e descanso para a cativada que o precisa



Local social da ANPA: zona para o monitorado, reunións da xunta directiva e oficina para a atención ás familias e coordinación da ANPA.



11. SUBVENCIONES

A ANPA asinou novamente este curso 2024 2025 un convenio coa Concellería de Servizos Sociais do Concello de Oleiros. Durante este trimestre un total de 35 alumnos e alumnas disfrutaron da bolsas do Concello (un 16% dos usuarios de comedor). Deste alumnado, 8 nenos e nenas son beneficiarios da beca de comedor do Concello de Oleiros sen pagar cota de socios nin cota de xestión, grazas ós tramites que se realizan mensualmente dende a ANPA e mentres o gabinete xurídico da Xunta non permite aplicar a medida de cota de xestión para non socios.

Tras facer a solicitude no mes de xullo de 2024, no mes de outubro o Concello de Oleiros a través da Concellería de Ensino concedeu á ANPA Valle Inclán a Subvención para a realización de actividades no ano 2024. O importe da subvención concedida foi de 15.534,83 € para sufragar os seguintes gastos: Festas escolares, Agasallos de graduación para 6º EP, Teatro musical, Robótica, Música e movemento, Hockei iniciación, Hockei II, Baile galego e pandeireta, Balonmán, Xadrez, Baloncesto, Patinaxe, Xogos e psicomotricidade, Acrodance, Arte e pintura, Subscrición á revista Pantera, Obradoiros formativos para o alumnado, Formación para familias e docentes e Campamento de ciencia.

Este trimestre a ANPA fixo todos os trámites precisos para solicitar en tempo e forma a axuda de comedor da Xunta de Galicia.

En Perillo, a 28 de xaneiro de 2024

XUNTA DIRECTIVA VALLE INCLÁN